

Nermina Begović rođ. Pihljak



Naša cijenjena diplomirana pravnica Nermina Begović rođ. Pihljak iznenada nas je napustila u petak 21. marta 2014. godine u 56. godini života.

Nermina Begović je rođena u Sarajevu 19.09.1958. godine. U rodnom gradu je završila osnovnu i Srednju medicinsku školu. Potom 1981. godine diplomirala na Pravnom fakultetu univerziteta u Sarajevu.

Bogat profesionalni angažman stekla je u nekoliko institucija. Od juna 1982. do novembra 1998. godine radila je u općini Visoko kao:

- pripravnik u Službi za prostorno planiranje i stambeno komunalne poslove,
- referent za upravno-pravne poslove iz oblasti urbanizma i građevinarstva,
- šef Odsjeka za evidenciju i upis prava na nekretninama u Službi za geodetske, imovinsko-pravne poslove i katastar nekretnina,
- šef Odsjeka za evidenciju i upis prava na nekretninama i imovinsko-pravne poslove.

Od oktobra 1998. do oktobra 2003. godine bila je radno angažovana u komisiji za imovinske zahtjeve raseljenih lica i izbjeglica (engl. Commission for Real Property Claims of Displaced Persons and Refugees - CRPC), kao:

- pravni savjetnik,
- pravni savjetnik i tim koordinator,
- lider tima pravnih savjetnika.

Od decembra 2003. do kraja života radila je u Federalnoj upravi za geodetske i imovinsko pravne poslove BiH, kao stručni savjetnik za imovinsko-pravne i normativno pravne poslove u Sektoru za imovinsko pravne i opće poslove.

Svi smo svjesni veličine gubitka i znamo da će se njeno ime u ovoj Upravi pominjati dok ima nas koji smo je poznavali. Tako iznenadni gubitak drage osobe ne može se riječima opisati. Svoje dugogodišnje iskustvo je nesebično prenosila na kolege mlađe generacije, a na pravnim i životnim savjetima koji se ne uče u školskim klupama svi smo joj zahvalni.

S tugom razmišljamo o njenom odlasku, a istovremeno se osjećamo ponosno i počašćeno što smo je poznavali. Ma koliko prebirali po sjećanju, ne možemo se sjetiti ni jednog jedinog trenutka ni situacije u kojoj bi joj prigovorili.

Sjećamo se koliko je bila ponosna na svoju porodicu, svoj grad, svoj posao. Iza sebe je ostavila supruga i dvije divne kćerke.

Nermine Begović ćemo se svi sjećati kao vrijednog i odgovornog radnika i kao osobe koja je bila potpuno nepristrasna u svom radu.

Hvala ti na svemu u ime svih kolega i prijatelja.

U ime svih kolegica i kolega iz Federalne uprave za geodetske i imovinsko pravne poslove BiH,

Hasumana Abaza